

Stáhtaráði ásahus

ealliguovdasaš doarjagis, mii máksojuvvo boazodoallojagis 2015/2016

Stáhtaráði mearrádusa mielde mearriduvvo eana- ja šaddogárdedoalu riikkadási doarjagiid birra addojuvvon lága (1559/2001) 4 §:a 2 momeantta ja 14 §:a 3 momeantta vuodul:

1 §

Heivehansuorgi

Dán ásahusas mearriduvvo dan ealliguovdasaš doarjagis, mii máksojuvvo boazoeaiggádidda stáhta bušeatas jahkái 2015 eana- ja šaddogárdedoalu riikkadási doarjagiid čujuhuvvon ruðain boazodoallolágas (848/1990) oaivvilduvvon boazodoallojagis 2015/2016.

2 §

Doarjaga ohcan

Doarjja máksojuvvo eanadoalu doarjagiid doarjjaguovlluid ja daid suologuovlun lohkkojuvvon oassegouovlluid birra addojuvvon stáhtaráði ásahusa (5/2015) čuvvosis I oaivvilduvvon guovlluin C3 ja C4 bohccuigun bargi, lága (1559/2001) (eana- ja šaddogárdedoalu riikkadási doarjagiid birra addojuvvon láhka) 14 §:a 1 momeanttas oaivvilduvvon ohcciide. Dállodoallun gehččojuvvo maidái juogkeahtes jápmínbeassi.

Doarjaga oažžuma eaktun lea dat, ahte doarjaoažžu merke bajás iežas joðíhan boazodoalu boáduid ja goluid.

3 §

Doarjjadokhálaš ealihanbohccot

Doarjaga sáhttá oažžut, jos dállodollui gullevaš olbmot oamastit boazologahallamiid mielde boazodoallojagi loahpas uhcimustá 80 ealihanbohccot, nugo boazodoallolága 5 §:a 2 čuoggás oaivvilduvvo.

Doarjagiid vuogadahti bohccuid oamastanvuogatvuhta ja lohku vuodđuduuvvet boazodoallojagis 2014/2015 dahkkojuvvon boazologahallamii. Boazodoallojagi 2014/2015 áigge dahkkojuvvon boazogávppit sáhttet válđojuvvot vuhtii doarjaga miedihettiin.

Doarjja ii máksojuvvo dain ealihanbohccuin, mat mannet badjel bálgosiidda dahje daid osolaččaide mearriduvvon alimus lobálaš ealihanboazologuid. Jos bálgosa ealihanboazolohku manná badjel bálgosiidda mearriduvvon alimus lobálaš ealihanboazologu, de dállodoaluid doarjjadokhálaš ealihanbohccuid lohku geahpeduvvo liigebohccuid hárrái seamma gori mielde go dállodoalut oamastit ealihanbohccuid bálgosis. Jos ealihanboazolohku báhcá uhcibun go 1 momeanttas mearriduvvo, de dállodollui sáhttá liikká miedihuvvot doarjja daid loahppaealihanbohccuid logu vuodul, jos dállodoalus leat leamaš ovdal geahpedeami ealihanbohccot uhcimustá 1 momeanttas mearriduvvon mearri.

Doarjja ii máksojuvvo maidái dain ealihanbohccuin, maid osolaš livččii galgan bálgosa dohkkehan jahkásaš njuovvanplánaid mielde njuovvat. Jos dállodoalu ovdalis oaivvilduvvon njuovakeahtes bohccuid lohku lea badjel golbma proseantta ealihanboazologus, de doarjja ii máksojuvvo dállodollui ollege.

4 §

Doarjaga mearri

Doarjaga mearri lea eanemustá 28,50 euro ealihanbohccos.

5 §

Fápmuiboahtin

Dát ásahus boahtá fápmui geassemánu 17 beaivve 2015.

Helssegis geassemánu 11 beaivve 2015

Ealáhusministtar Olli Rehn

Boarráset hálddahuscálli Juha Vanhatalo